

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 184. sjednici, održanoj dana 25.09.2014. godine, d o n o s i

ZAKLJUČAK

I.

Daje se saglasnost na Pravilnik o dopuni Pravilnika o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, broj: 10-38-12711/14 od 24.06.2014. godine, usaglašenog sa ovlaštenim predstavnicima obrazovnih sindikata Zeničko-dobojskog kantona, koji je sastavni dio ovog zaključka.

II.

Za realizaciju Pravilnika iz tačke I. ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svoje nadležnosti.

III.

Zaključak stupa na snagu danom donošenja.

Broj: 02-_____/14.

Datum, 25.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

**Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport**

P r a v i l n i k
**o dopuni Pravilnika o praćenju i vrednovanju rada i sticanju zvanja nastavnika, stručnih
saradnika i saradnika u osnovnim i srednjim školama**

Zenica, juni/lipanj 2014. godine

Na osnovu člana 14., stav 1., Zakona o kantonalnim ministarstvima i drugim tijelima uprave, Prečišćeni tekst, (Službene novine Zeničko-dobojskog kantona“, broj: 13/08, 3/10 i 6/12), a u vezi sa članom 75., stav 3., Zakona o osnovnoj školi, („Službene novine Zeničko-dobojskog kantona“, broj 05/04, 20/07 i 9/11), i člana 122., stav 3., Zakona o srednjoj školi, („Službene novine Zeničko-dobojskog kantona“, broj 05/04, 20/07, 19/09 i 9/11), ministar Ministarstva za obrazovanje, nauku, kulturu i sport Zeničko-dobojskog kantona, d o n o s i

P r a v i l n i k
o dopuni Pravilnika o praćenju i vrednovanju rada i sticanju zvanja nastavnika,
stručnih saradnika i saradnika u osnovnim i srednjim školama

Član 1.
(Dopuna člana 14.)

U Pravilniku o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, („Službene novine Zeničko-dobojskog kantona“, broj: 13/08), u članu 14., iza stava 1., dodaje se novi stav 2., koji glasi:

„Nastavnik i stručni saradnik koji ima 15 navršenih godina radnog staža u obrazovanju u osnovnim i srednjim školama, stiče zvanje nastavnika savjetnika/stručni saradnik savjetnik, a nastavnik i stručni saradnik koji ima 30 navršenih godina radnog staža u obrazovanju u osnovnim i srednjim školama, stiče zvanje nastavnik viši savjetnik/stručni saradnik viši savjetnik.“

Dosadašnji stavovi 2 i 3, postaju stavovi 3 i 4.

Član 2.
(Stupanje na snagu)

Pravilnik stupa na snagu narednog dana, od dana objavljivanja u „Službenim novinama Zeničko-dobojskog kantona“, a primjenjivati će se od 01.01.2015. godine.

Broj: 10-38-12711/14.

Datum, 24.06.2014. godine

Z e n i c a

MINISTAR

Mirko Trifunović

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

OBRAZLOŽENJE

Pravni osnov

Pravni osnov za donošenje ovog zaključka temelji se na članu 16., stav 4., Zakona o Vladi Zeničko-dobojskog kantona-Prečišćeni tekst, (Službene novine Zeničko-dobojskog kantona“, broj: 07/10), a u vezi sa članom 75., stav 3., Zakona o osnovnoj školi, („Službene novine Zeničko-dobojskog kantona“, broj: 05/04, 20/07 i 9/11), i člana 122., stav 3., Zakona o srednjoj školi, („Službene novine Zeničko-dobojskog kantona“, broj: 05/04, 20/07, 19/09 i 9/11), kao i Sporazuma Vlade Kantona i kantonalnih odbora sindikata osnovnog obrazovanja i srednjeg i visokog obrazovanja, od 15.05.2014. godine.

Razlozi za donošenje:

Nakon stupanja na snagu Sporazuma Vlade Zeničko-dobojskog kantona i ovlaštenih predstavnika obrazovnih sindikata, u članu 2., stav (2), preuzeta je i obaveza zajedničke izrade provedbenih akata a posebno dopuna važećeg pravilnika o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, nakon čega se od strane Ministarstva za obrazovanje, nauku, kulturu i sport, i obrazovnih sindikata usaglasila sadržina konačnog teksta dopune Pravilnika koji će biti upućen na objavljivanje u službenom glasilu Kantona.

Napominjemo da je ovim prijedlogom Pravilnika, izvršena dopuna u članu 14., kojom se predviđa sticanje stručnih zvanja i po osnovu navršenih godina radnog staža u obrazovanju, pri čemu se i dalje zadržava obaveza ocjenjivanja, jer se u članu 15. Pravilnika, i dalje predviđa mogućnost da nastavnik i stručni saradnik koji u redovnom ciklusu ocjenjivanja za svoj rad bude ocijenjen nižom ocjenom od ocjene „ističe se“, gubi stečeno stručno zvanje. Ujedno naglašavamo činjenicu da se navedenom dopunom važećeg pravilnika daje dodatna stimulativna komponenta svim zaposlenicima u obrazovanju, jer se uvodi dodatna mogućnost sticanja stručnih zvanja, odnosno napredovanja u struci i po osnovu uvažavanja dugogodišnjeg rada i stečenog radnog iskustva u obrazovanju u osnovnim i srednjim školama.

Finansijski pokazatelji

S obzirom da donošenje ovog Pravilnika, suštinski pretpostavlja dodatna finansijska izdvajanja, te da će se isti primjenjivati od 01.01.2015. godine, (dakle nove budžetske godine), i to u dijelu koji se odnosi na plaće i pripadajuće naknade zaposlenika u obrazovanju, mišljenja smo da se u odnosu na usvojena finansijska sredstva za ove namjene u Budžetu Kantona za 2014. godinu, neće zahtijevati dodatna finansijska sredstva, te da će se ista, (u skladu sa već potpisanim Sporazumom Vlade i obrazovnih sindikata), blagovremeno planirati u odnosu na prethodno planirana sredstva iz Budžeta Zeničkog-dobojskog kantona za 2014. godinu. Tim prije što se radi o povećanju u razlici bruto-godišnje plaće za svih 1779 zaposlenika u osnovnom i srednjem obrazovanju koji se uvode u ovo pravo, (43%) u ukupnom iznosu od cca. 1.269.461,00 KM, (ukoliko se prihvati usaglašeni prijedlog od 15 i 30 navršenih godina radnog staža). Nakon što je Vlada Kantona, (na svojoj sjednici u julu mjesecu, povukla tadašnji prijedlog Zaključka), zbog potrebe dodatnog izjašnjenja-Mišljenja od strane Ministarstva finansija, dana 18.09.2014. godine dostavljen je akt broj: 07-38-12771-2/14., u kojem je data uvjetna saglasnost, jer je od Ministarstva za obrazovanje, nauku, kulturu i sport zatraženo da osigura navedena potrebna sredstva putem unutrašnjih preraspodjela, unutrašnjih ušteda i slično, a što u konačnici, u ovom trenutku i stanju Budžeta Kantona za 2014. godinu, (dakle na postojećim stavkama ovog organa kantonalne uprave), nije moguće realizovati u planiranom i potrebnom iznosu na način predložen u datom mišljenju od strane Ministarstva finansija.

Stoga, a imajući u vidu sve naprijed navedeno, predlažemo Vladi Kantona da razmotri prijedlog Zaključka, te donese adekvatnu odluku o predloženom zaključku.

MINISTAR

Mirko Trifunović